



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm VIII. Si quem.

[urn:nbn:de:hbz:466:1-62559](#)

I. filiusam 8. §. Inuitus, ff. eod. I. inuitus, 17. C. eod. Posteaquam vero suscepit, exequi cogitur, vel mature renuntiare, dum res integra est, iuxta §. mandatum, Inst. de mandato, & I. si mandauero, 22. §. vlt. ff. mandati.

Cæterum posteaquam Procurator Rei satisfidit de soltuendo iudicato; vel si ipse reus loco Procuratoris scientis satisfidit, tum renuntiare prourationem; absque iusta & vr gente causa, seu impedimento non permittitur, mutus, 43. §. Qui non cogitur, ff. eod. & Clem. i. eod. tit. Vide Gl. in ead. Clem. ver. cogi.

NOTANDVM II. In mandato, & alijs contractibus, qui mutuo consensu perficiuntur, si pactionem offerenti seu contrahere volenti aliquis dissentiat; sed postea consentiat, ratus erit contractus: dummodo ille in eadem manserit voluntate. Ita Gl. margin. hic, & Petrus Ancharanus not. 2. Refert tamen, utrum absens sit, an praesens, qui stipulationem, seu pactionem obtulit. Si enim absens sit, & de dissensu alterius nihil intellexit, nec probabilitate suspiciari possit, presumitur in eadem perseverasse contrahendi voluntate, sicuti indicat Gl. magna hic in fine dicens, quod voluntas semel posita, semper presumitur, nisi contrarium proberetur. Sin vero praesens sit, & dissensum alterius, cui pactionem obtulit, cognoscat; tum si ille penitentia ductus de novo consentire velit, responderet potest, se iam mutasse voluntatem, ita vt contrauctus consistere nequeat, ed quod ad eius constitutionem necessarium sit, vt consensus partium vniuersit, seu eodem tempore concurrant, arg. l. 2. iun. Gl. ver. consentire, ff. de obligat, & actionibus.

Corollarium. Idem eadem ratione docet Gl. fin. communiter recepta de electione. Si videlicet electus, cum ipsi presentatur electio, ei renuntiet, mox vero penitentia ductus acceptet, validam fore acceptancem, dummodo electores voluntatem interim non mutarint, seu quod idem est, renuntiationem electi non acceptarint. Sed & idem in collatione beneficij absenti facta locum ha-

bere, quod dictum est, tradit hic Petr. Ancharanus, ver. opponit.

CAPITVLUM VIII.

Si quem.

S V M M A R I V M.

Dominus constitutus Procuratorem, quia eum abesse oportuit, reuersus ad locum iudicij censeretur revocare Procuratorem, nisi ex circumstantijs contrarium colligatur, vel constitutus sit sub hac forma:

Quoties me abesse contigerit.

Si Titum Procuratorem constitueris sub hac forma, quoties te abesse contigerit, tametsi postea reuersus ipsem et causam tractandam assumas, non ideo Procuratorem revocare censendus es. Quin imo Titus Procuratoris officium iterum assumere poterit, quoties te absentare contigerit.

Sin autem Procuratorem simpliciter constitueris, ac deinde, seu ante, seu post litis contestationem, ad iudicium venias, non ut Procuratori assistas, sed vt ipsem et causam tractes, tum procuratorium ab illo mandatum revocare censeberis: Nisi contrarium expressè protesteris, vel ex conjecturis appareat, quod nolis eum simpliciter amovere. Ut si certum causæ articulum, de quo maiorem ipse cognitionem habes, tractandum tibi assumas; aut si Procurator se ad tempus absentet, vel infirmus sit, &c. Hanc materiam latius tractat Petr. Ancharanus in c. 2. hoc lib. & tit. Ita distinguens: Vel dominus causæ Procuratorem constituit, quia ipsummet abesse oportuit: tunc si reuersus sit ad locum iudicij, censembitur revocare Procuratorem, vti docent DD. in l. Qui mutuam, 56. §. Non ideo minus, ff. mandati.

Excipe I. Nisi ex circumstantijs contrarium colligatur, vt quia patitur eum omnia agere, sicuti prius, arg. l. item queritur, 13. §. Qui replete, ff. locatis, & videri potest Domin. hic.

Excipe II. Nisi constitutus sit sub ea for-

Hhhh 3 ma,

806 Decret. Gregor. Lib. I. eod. Tit. in 6 Cap. VIII.

ma, quoties me abesse contigerit: Tunc enim non sublata, sed suspensa censeri debet potestas Procuratoris, dum iterum dominus discedat.

Vel non, saltem principaliter, ob causam absentiae Procuratorem constituit, tunc si veniat ad iudicium tantummodo ut affiat Procuratori, cumque agentem dirigat, aut iuuet, certum est non reuocari eius officium, iuxta l. Paulus, 69. ff. de Procurator. Si autem causam in persona sua trahendam assumat, refert, an praesente & non impedito Procuratore id agat, an verò eodem absente, vel impedito. Hoc posteriore casu non censetur eum reuocare! sed priore maxime: nisi contrarium exprimat, vel ex conjecturis presumi possit.

QY X R E S: Quomodo fieri potest, vt dominus contestatq; litis instantiam à Procuratore in se transferat. Respondeo: Si Procurator adsit, & non contradicat, tum hoc ipso consentire, & litis instantiam cedere domino censemitur, iuxta l. in cause, §. 27. §. Si ex parte, ff. eod. & videri potest Anchāran. cit. loco, Geminianus hic, super Gl. ver. siue post. Si in verò Procurator, vel ipse aduersarius se opponat, tunc reuocari non potest, nisi causa prius cognita, sicuti suprà dictum est.

CAPITVLUM VLT.

Procurator.

P A R A P H R A S I S.

Procuratoris mandatum ad matrimonium contrahendum censetur esse speciale: Et quamvis alioquin Procurator ad negotia alium Procuratorem substituere possit; iste tamen non potest, nisi specialiter ei commissum fuerit: propterea quod negotium istud valde arduum sit.

S U M M A R I U M.

- t. Causa matrimonij, maxime per Procuratorem contrahendi, valde ardua est; binc Procurator ad hoc debet habere speciale mandatum.

2. Nec potest alium sibi substituere.
3. Et si talis Procurator reuocatus fuerit, contrahi matrimonium validè non potest, et si & ipse, & persona, cum qua contrahendum erat, reuocationem ignorat.
4. Idem est in sponsalibus.

NO T A N D V M I. Causa matrimonij, praesertim per Procuratorem contra, hendi, valde ardua censetur; propter periculum, quod inde prouenire potest, si negotium istud imprudenter tractetur. Quamobrem mandatum istud adeò speciale censetur, vt sub generali clausula, & alia omnia, non comprehendatur: Imò etiam expressionem, seu determinationem personæ, quacum contrahendum sit, requirat, vt hic Gl. notauit ex l. generali, § 4. ff. de ritu nuptiarum, ubi rubr. ex Baldo: Generale mandatum de nuptijs non sufficit; nisi mandantis ratificatione sequatur. Ratio est: Quia consensus contrahentium in personam determinatam de substantia matrimonij existit.

NO T A N D V M II. Si negotium valde arduum committatur, ita vt industria personæ electa videatur, non est Procuratori concessum alium sibi substituere. De hoc dixi etiam suprà c. 1. in fine, hoc lib. & tit.

§. Sanē.

SI Procurator ad matrimonium cum certa persona contrahendū constitutus, reuocatus fuerit, postea contrahi nō potest; tametsi & Procurator, & persona, quacum contrahendum erat, reuocationem ignoravit.

Est verò id speciale in matrimonio, sic uti dixi in c. ex parte, § 3. de script. §. Pro pleniore, & in c. 1. hoc lib. & tit. Ratio assertur in fine huius c. Cū enim virtusque partis formalis ac mutuus consensus sit de substantia matrimonij contrahendi, adeò vt per ius positivum suppleri haud possit; consequens est, si altera pars consensum reuocauerit, matrimonium postea à Procuratore contractum, subsisteret non posse. Vide quæ dixi lib. 5. tr. 10. p. 2. c. 1. & c. 7. Q. E. D.